



2017 йил 04 - март № II5

Farg'ona shahri

**Ўзбекистон Республикаси Президентининг
2017 йил 28 февралдаги ПҚ-2801-сонли қарори тўғрисида**

Азал-азалдан халқимизнинг эзгу ва гўзал қадриятларини, унинг олижаноб орзу-интилишларини ўзида мужассам этиб, қадим аجدодларимиздан бизга ўлмас мерос сифатида безавол ўтиб келаётган Наврўзи олам мустақиллик йилларида мамлакатимизда яшаётган миллати, тили ва динидан қатъи назар барча ватандошларимиз орзиқиб кутадиган, том маънодаги умумхалқ байрамига айланиб қолди.

Шарқона янги йилнинг бошланиши, табиат уйғонишининг рамзи, асл миллий, энг ардоқли байрам бўлмиш Наврўзнинг юртимизда меҳр-оқибат, ҳамжихатлик, инсонийлик, бағрикенглик ва бунёдкорлик, хайр-саховат муҳитини янада мустаҳкамлаш, ёш авлодни миллий анъаналаримизга садоқат ва умуминсоний қадриятларга хурмат руҳида камол топтиришдаги ўрни ва таъсири тобора ортиб бораётганини инобатга олиб ҳамда бу кутлуғ айёмни юксак савияда нишонлашга, қаратилган Ўзбекистон Республикаси Президентининг 2017 йил 28 февралдаги “2017 йилги Наврўз умумхалқ байрамига тайёргарлик кўриш ва уни ўтказиш тўғрисида”ги ПҚ-2801-сонли қарорини ижросини таъминлаш мақсадида

ҚАРОР ҚИЛАМАН:

1. Ўзбекистон Республикаси Президентининг 2017 йил 28 февралдаги “2017 йилги Наврўз умумхалқ байрамига тайёргарлик кўриш ва уни ўтказиш тўғрисида”ги ПҚ-2801-сонли қарори раҳбарлик ва ижро учун қабул қилинсин.

2. 2017 йилги Наврўз умумхалқ байрамига тайёргарлик кўриш ва уни ўтказиш бўйича вилоят ташкилий қўмитаси таркиби иловага мувофиқ тасдиқлансин.

3. Ташкилий қўмита (С.Қўчқоров, Қ.Имомов ва Т.Тожиева) Наврўз байрамини вилоят ҳамда барча шаҳар ва туманлар марказлари ва қишлоқларда умумхалқ сайиллари шаклида юқори даражада ўтказишга қаратилган ташкилий-амалий, маданий-маънавий тадбирлар режасини **бир ҳафта муддатда** ишлаб чиқсин ва амалга оширсин.

4. Тадбирлар режасини тайёрлашда қуйидаги масалаларга алоҳида эътибор қаратилсин:

Наврўз кунларида инсоннинг табиат билан узвийлигини, ўзини унинг ажралмас бир қисми сифатида ҳис этишини ифода этадиган, атроф муҳитни,

она заминни ардоқлаб, унинг неъматларини, бугунги тинч ҳаётни қадрлаб, шукроналик туйғуси билан яшашга даъват қиладиган маънавий-маърифий тадбирларни уюштириш;

барча шаҳар ва қишлоқларда бўлиб ўтадиган тадбирларда, оммавий ахборот воситаларида, Наврўз байрамининг тарихи, уни нишонлаш билан боғлиқ урф-одатлар, анъаналар ва кадриятларимизнинг моҳияти ва аҳамиятини кенг ёритиш;

Наврўзнинг руҳи ва фалсафасида ўз аксини топган меҳр-мурувват, аҳиллик ва тотувлик, ёши улуғ инсонлар, табаррук отахон ва онахонларни ҳар томонлама эъзозлаш, кўмакка муҳтож инсонларга беғараз ёрдам бериш билан боғлиқхайрия тадбирларини амалга ошириш;

янги деҳқончилик мавсумининг бошланиши, яшариш ва янгиланиш, кут-барака, ободлик ва фаровонлик рамзи бўлмиш Наврўз фаслида маҳаллаларда, шаҳар ва қишлоқларда ҳашарлар, кенг қўламдаги ободончилик ва кўкаламзорлаштириш ишларини ташкил этиш;

вилоят ҳамда барча шаҳар ва туманлар марказларида бўлиб ўтадиган сайилларга маҳаллий фольклор гуруҳлар, бадий ҳаваскорлик жамоалар, дорбозлар, цирк артистлари, оилавий ансамбллар, бахшилар, шоирлар, шунингдек, профессионал ижрочилар ва истеъдодли эстрада артистларини кенг жалб этиш;

сайил дастурларини тайёрлашда халқ ўйинлари, фольклор санъатининг энг яхши намуналарини, элу юртнинг дилидан чуқур жой олган, қадимий урф-одатлар, эзгу инсоний туйғуларни тараннум этадиган куй ва кўшиқлар, ўлан ва лапарларга кенг ўрин бериш.

5. Вилоят ҳокимлиги (Турдиматов), Маданият бошқармаси, Маънавият тарғибот маркази вилоят бўлими (Зоҳидов)лар:

3 кун муддатда вилоят ҳамда шаҳар ва туман марказларида ҳамда маҳалла фуқаролар йиғинларида ўтказиладиган Наврўз тадбирларини ўтказиш бўйича алоҳида сценарий ва дастурлар;

аҳоли дам олиш масканлари ва истирохат боғларида китобхонлик ҳамда бошқа маданий ва спорт тадбирларини ўтказиш бўйича аниқ тадбирлар режасини ишлаб чиқиш вазифаси юклатилсин.

6. Ўзбекистон Республикаси Президентининг мазкур қарори билан ўтказиладиган байрам тадбирлари маҳаллий бюджетлар ҳамда жойлардаги ҳомийлик ҳайриялари ҳисобидан қопланиши белгилаб қўйилганлиги инобатга олинсин.

7. Вилоят ҳокимининг биринчи ўринбосари С.Қўчқоров Молия бошқармаси (Мирзаев) билан биргаликда **3 кун муддатда** вилоят ҳамда шаҳар ва туманлар марказларида ўтказиладиган Наврўз умумхалқ байрамини ўтказиш билан боғлиқ сарф-ҳаражатлар маблағлари манбаалари бўйича тақлиф киритсин.

8. Барча шаҳар ва туман ҳокимларига:

Наврўз байрамини шаҳар, туман ва қишлоқларда умумхалқ сайиллари шаклида юқори даражада ўтказишга қаратилган ташкилий-амалий, маданий-

маънавий тадбирларни юқори савияда ташкил этиш мақсадида ташкилий кўмиталарини тузиш;

Наврўз байрамини кўтаринки руҳда ташкил этиш бўйича ўзларининг чора-тадбирлар дастурини ишлаб чиқиш;

байрам тадбирлари ўтказиладиган аҳоли дам олиш ва истироҳат боғлари ҳамда кўнгилочар масканларда жойлашган атракционларни техник ҳолатини кўриқдан ўтказиш;

айниқса чегара ҳудудларида жойлашган маҳаллаларда тадбирларни юқори савияда ташкил этилишига алоҳида эътибор қаратиш;

маҳаллаларда ўтказиладиган тадбирларни юқори савияда ташкил этиш мақсадида ҳар бир маҳаллага масъулларни бириктириш;

“Меҳрибонлик”, “Саҳоват”, “Мурувват” уйларида истиқомат қилувчи ва тарбияланувчилар, маҳаллалардаги кекса нурунийлар, ногиронлар ва кам таъминланган оилалар ҳолидан хабар олиш;

ҳудудлардаги маҳаллий ишлаб чиқариш корхоналарида “Наврўз” байрамини тарғиб этувчи ёзувлар тушурилган футболка, кепкалар ишлаб чиқариш ва уларнинг савдосини ташкил этиш;

маҳаллалар, кўчалар, корхона, ташкилот ва муассасалар, қабристон ва зиёратгоҳлар, саҳоват, мурувват ва меҳрибонлик уйлари ҳамда аҳоли хонадонларида кенг кўламдаги ободонлаштириш ва кўкаламзорлаштириш ишларини ташкил этиш;

фойдаланишга топширилиши режалаштирилган ижтимоий объектлардаги қурилиш ишларини якунлаш ва байрам кунлари топшириш чораларини кўриш;

марказий кўчалар, аҳоли дам олиш масканлари ва истироҳат боғларини байрамона безатиш ишларини амалга ошириш;

“Наврўз” умумхалқ байрами муносабати билан ташриф буюрадиган Республика ва вилоят тарғибот-ташвиқот гуруҳлари томонидан олиб бориладиган тарғибот ишлари учун барча шарт-шароитларни яратиб бериш вазифаси юклатилсин.

9. Вилоят ҳокимлиги (Турдиматов), “Тасвирий ойина” ижодий уюшмаси вилоят бўлими (Саидтаджиев) ҳамда шаҳар ва туман ҳокимлари **бир ҳафта муддатда** белгиланган тартибда вилоят, шаҳар ва туманларнинг марказий кўчаларини байрамона безатиш вазифаси юклатилсин.

10. Вилоят Телерадиокомпанияси (Мамарасулов), Матбуот ва ахборот бошқармаси (Жабборов), “Фарғона ҳақиқати” газетаси таҳририяти (Тешабоев) ва “Ферганская правда” газетаси таҳририяти (Саидганиева)лар Наврўз умумхалқ байрамига тайёргарлик кўриш ва уни ўтказиш бўйича вилоятда амалга оширилаётган ишларни атрофлича ёритиб бориш тавсия этилсин.

11. Мазкур қарорнинг ижросини назорат қилишни ўз зиммамда қолдираман.

Вилоят ҳокими



Ш.М.Ғаниев,

Вилоят ҳокимининг 2017 йил
04 мартдаги 115 сонли
қарорига илова

**2017 йилги Наврўз-умумхалқ байрамига тайёргарлик кўриш ва уни
ўтказиш бўйича вилоят ташкилий қўмита
ТАРКИБИ**

1.	Ш.М.Ғаниев	-	Фарғона вилояти ҳокими, ташкилий қўмита раиси
2.	С.Қўчқоров	-	Вилоят ҳокимининг биринчи ўринбосари, ташкилий қўмита раиси ўринбосари
3.	Қ.А.Имомов	-	Вилоят ҳокимининг ўринбосари, ташкилий қўмита раиси ўринбосари
4.	Т.А.Тожиева	-	Вилоят ҳокимининг ўринбосари, Хотин-қизлар қўмитаси раиси, ташкилий қўмита раиси ўринбосари
5.	А.П.Султанов	-	Вилоят Ички ишлар бошқармаси бошлиғи
6.	Ш.Эркабоев	-	Фарғона шаҳар ҳокими, ташкилий қўмита раиси ўринбосари
7.	Л.Валиев	-	Вилоят ҳокимлигининг котибияти мудир
8.	лавозимга кўра	-	Вилоят Маданият бошқармаси бошлиғи
9.	М.Ҳолдоров	-	Вилоят Ўрта-махсус, касб-хунар таълими ҳудудий бошқармаси бошлиғи
10.	Ғ.Мамажонов	-	Вилоят Халқ таълими бошқармаси бошлиғи в.б
11.	О.Махмудов	-	Вилоят Соғлиқни сақлаш бошқармаси бошлиғи
12.	Т.Ҳолдоров	-	Вилоят “Нуроний” жамғармаси раиси
13.	Б.Элчиев	-	“Маҳалла” ҳайрия жамоат фонди вилоят бошқаруви раиси
14.	Ш.Полвонов	-	“Камолот” ЁИХ вилоят Кенгаши раиси
15.	Т.Саримсақов	-	Вилоят Касаба уюшмалари ташкилотлари бирлашмалари кенгаши раиси
16.	Э.Сиддиқова	-	Ўзбекистон Ёзувчилари уюшмаси вилоят бўлими раиси
17.	Ф.Зоҳидов	-	Маънавият-тарғибот маркази вилоят бўлими раҳбари
18.	У.Жабборов	-	Вилоят Матбуот ва ахборот бошқармаси бошлиғи
19.	Ж.Мамарасулов	-	Вилоят Телерадиокомпанияси директори
20.	М.Темиров	-	Туризмни ривожлантириш Давлат қўмитаси ҳудудий бошқармаси бошлиғи в.б
21.	В.Пучковская	-	Ўзбекистон Бадиий академияси вилоят бўлими
22.		-	Олий таълим муассасалари ректорлари
23.		-	Вилоятдаги Миллий маданий марказлар раҳбарлари
24.		-	шаҳар ва туман ҳокимлари